


Biblia para sa Kabataan  
Ginpresentar

Han Pagtuha  
han Ginoo han  
Ngatanan



Ginsurat ni: Edward Hughes

Igin-ilustrar ni: Byron Unger; Lazarus  
Alastair Paterson

Ginpahiuyon ni: Bob Davies; Tammy S.

Iginhubad ni: [www.christian-translation.com](http://www.christian-translation.com)

Ginhimo ni: Bible for Children  
[www.M1914.org](http://www.M1914.org)

©2021 Bible for Children, Inc.

Lisensya: Mayaon ka katungod nga magcopya or mag imprita  
sito ini nga storya basta diri mo ini ig babaligya.




Sino an nagtuha sa ato? An Biblia, pulong han Ginoo, nagsusumat san tinikangan san katawhan. Sadto pa, an Ginoo gin tuha an inaka-una nga lalaki ug iya gin ngaranan nga Adan.




Gin tuha san Ginoo si Adan tikang han tapotapo sa tuna. Han paghatag kinabuhi han Ginoo kan Adan, nabuhi siya. Nakita niya an iya kalugaringo sulod sin maupay nga harden nga gintatawag Eden.



Antis pa pagtuhaa han Ginoo si Adan, naghimo siya  
hin kalibutan nga puno sin mag upay nga mga butang.



Hinay-hinay an Ginoo nagbuhat hin bungtod ug patag nga mga lugar, maghamot nga mga bukad ug higtaas nga mga puno, mga tamsi nga maglamrag an barahibo ngan maaringasa nga mga bubuyog, nagpupuropulilid nga ma balyena ngan magdalunot nga mga suso. Sa kamatooran,




gin buhat san Ginoo  
an ngatanan -  
ngatanan.

Tikang pa gud san  
tinikangan, antis pa  
buhaton san Ginoo an  
ngatanan, wara gud bisa  
nano kundi an Ginoo.

Wara mga tawo o mga  
lugar o mga butang.

Wara. Wara lamrag  
ngan kasisidman.

Wara bawbaw ngan  
ilarom. Wara kahapon  
ngan buwas. An mayaon  
la an Ginoo nga wara  
tinikangan. Ngan  
ginios an Ginoo!




Sa tinikangan, an Ginoo nagtuha  
san langit ug san tuna.



Ug an tuna wara pa kaporma  
ug wara pa sulod. Ug  
putos sin kasisidman  
an kalalawdan.

Ngan nagsiring  
an Ginoo.


"Mag ka  
mayaon  
kapawa."



Ngan nagkamayaon kapawa. Gin ngaranan san  
Ginoo an kapawa hin Adlaw ngan an kasisidman  
gin ngaranan hin Gab-i. Ug an gab-i ug  
aga an una nga adlaw.



Sa ika duha ka adlaw, an Ginoo nag dara tubig sa kalawdan, kadagatan ug kadanawan ubos sa langit. Sa ika tulo ka adlaw, an Ginoo nagsiring, "Magpakita an kamad-an." Ngan na tuman ini.



Gin sugo liwat san Ginoo nga magpakita an kabanwaan, mga bukad ug mga kakahoyan.

Ngan nagpakita ini sira. Naglabay an kagabihon ug inabot an aga mao adto an ika tulo ka adlaw.



Ngan ginbuhat san Ginoo an sudang,  
ug an bulan, ug an gi damu-i nga  
mga bituon nga diri maihap bisan  
nino. Naglabay an kagabihon ug  
inabot an aga mao adto an ika  
upat ka adlaw.



Gin tuha san Ginoo  
an sunod sa iya lista  
mao an mananap sa  
kadagatan ug mga isda  
ug mga tamsi. Sa ika  
lima ka adlaw iya gin  
himo an dagku nga  
mga malasugi ug digto  
nga mga sardinas, an  
hagtaas nga bitiis  
san abestros ug an  
malipayon nga huni sa  
digto nga katamsihan.



Gin himo san Ginoo an  
ngatanan nga klase san  
mga isda aron mag  
puno san kadagatan  
san kalibutan ug  
ngatanan nga klase san  
tamsi para maglipay  
panhimulos san tuna,  
dagat ug kalangitan.  
Naglabay an kagabihon  
ug inabot an aga mao  
adto an ika lima ka  
adlaw.




Kahuman sini, nagyakan balik an Ginoo. Nagsiring siya, "Magkamayada buhi nga kamananampan an tuna ..." Ngatanan nga magkaduro-dilain nga insekto ug reptilya na buhi. Nagkamayada nagbabay-og nga elepante ngan nababarikaso nga kastor. Mayaangyaang nga mga unggoy ngan mga kimas nga buwaya. Malubaylubay nga bulati ngan mga pilyo nga chipmunks. Mantiw nga mga girape ngan nagdidinaguob nga misay. Ngatanan nga mga hayop gin tuha san Ginoo siton nga adlaw.



Naglabay an kagabihon ug inabot an aga  
mao adto an ika unom ka adlaw.



Sa ika unom ka adlaw may gin himo nga kakaiba na Ginoo - espisyal. An ngatanan yana andam na para sa Tawo. Mayaon na pagkaon an kahumayan ug mga hayop para sa iya. Nagsiring an Ginoo, "Maghihimo kit sin tawo ha akon panagway. Siya an maghahadi sa bugos nga tuna." SALIT AN GINOO NAGBUHAT SIN TAWO SA IYA PANAGWAY; SA PANAGWAY SAN GINOO NAHIMO AN TAWO ...



Nag sugad an Ginoo  
kan Adan. "Kauna  
an ngatanan nga  
imo karuyag sa  
harden. Ayaw la an  
puno nga may  
kaalam san maupay  
ug maraot. Pag  
kumaon ka tikang  
sito iton nga puno  
ikaw mamamatay."



Ug nagsiring an Ginoo, "Diri maupay nga magsayuan la an tawo. Maghihimo kaupod niya." Gin dara san Ginoo an ngatanan nga mga katamsihan ug hayop kan Adan. Gin ngaranan ni Adan ini nga tanan. Maalam ini siya para mabuhat ini niya. Pero san ngatanan sini wara gihapon inangay nga kapareho niya.



Gin pakaturog san Ginoo si Adan sin gihilarumi.  
Ginkuhaan sayo ka gusok an nakaturog nga lalake,  
an Ginoo nagtuha sin babaye tikang  
san gusok ni Adan. An babaye  
nga gin tuha san Ginoo an  
angay nga kapareho  
para kan Adan.



Gin tuha san Ginoo an ngatana sulod san unom ka adlaw. Ug gin bendisyonian san Ginoo an ika pito ka adlaw ug gin himo ini nga adlaw san pagpahuway. Sa harden sa Eden, si Adan ug Eva nga iya asawa bugos an kalipay pagtuman san karuyag san Ginoo. An Ginoo an ira Diyos, an ira tagahatag ug ira sangkay.



Han Pagtuha han Ginoo han Ngatanan

An istorya tikang san mga pulong san Ginoo,  
an Biblia,

makikita sa

Genesis 1-2

"An aragian san Imo mga Pulong naghahatag  
lamrag." Salmo 119:130





Katapusan



Ini nga Bibliahanon nga storya nag susumat ha ato han kaupaya ha Ginoo nga naghimo ha ato ngan iya buot nga kumila ka ha iya.

Maaram an Ginoo nga kita naka himo hin magraot nga mga butang, iya ini gintatawag nga sala. An silot hini nga sala mao an kamatayon, tungod kay hinigugma ka hin ungod han Ginoo iya gin padara an iya butong Anak, hi Jesus, para matay ha kros ug silotan para sa imo mga sala. Ngan hiya nabanhaw ug sinaka sa langit! Kon ikaw na too kan Jesus ug naaro ka kapasayluan han imo mga sala, iya iton bubuhaton. Makadi hiya yana ug paheyo ha imo, ug ikaw liwat ha iya hangtod ha kadayunan.

Kon ikaw na too nga mao ini an kamatuoran, e sugad ini ha Ginoo: Hesus, na too ako nga ikaw an Ginoo, nagpakatawo ug namatay para ha ako mga sala ug ikaw nabanhaw. Pakadi ha ako kinabuhi ug pasaylo-a an akon mga sala, para magkayaon ak bago nga kinabuhi, ug sayo ka adlaw ako makaupod ha imo ngadto ha kahangtoran. Buligi ako han pagsunod ha imo ug mabuhi para ha imo nga imo anak. Amen

Basaha an Bibliya ug pakil istorya han Ginoo  
kada adlaw! Juan 3:16

